



UPA 2015 / 20
21. april 2015
Agathe Fontain

**Utoqqalinersiaqartut qanigisaannik toqusoqartillugu Kalaallit Nunaanni ilisiartornissamut ukiumut ataasiarlutik pisortanit akiliunneqartalernissaat isumageqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartut ilaasortaq, Nikolaj Jeremiassen)**

Inatsisartunut ilaasortaq Nikolaj Jeremiassen Siumut , siunnersuuteqarpoq, utoqqalinersiallit tamarmik, tassa aningaasatigut inissisimanagerat apeqputaatinagu, ukiumut ataasiarlutik illoqarfimmut allamut ilisiartornissamut pisortanit akiliunneqartarnissaannik.

Inuit Ataqatigiit qanigisat ilisaanerani peqataasarnissaq pingaartutut isigaarput, toqusoqartillugu qimataasut , ilaqtutariit ataatsimoorneratigut , qimataanermi ullut artornartut oqinnerulersinnaammata, peqatigiinneq pingaaruteqarmat.

Siunnersuummi pineqarpoq ukiumut ataasiarluni illoqarfimmut allamut angalasinnaaneq. Immaappoq, Nunatsinniinnaq angalaneq pineqarpoq. Apeqqut alla : Ukiumummi ajoraluartumik arlalinnik toqusoqarpat ? Soorunami tamanna misigeqqunanngikkaluaqaaq, inatsisiliornermili tamarmik ersarittariaarput. Siunnersuummi tunngavigineqarpoq Pisortanut ikiorsiinerme peqqussut.

Utoqqalinersiaqartunullu allamik peqqussuteqarmat erseqqissassavarput. Utoqqalinersiallit peqqusutaat allanngortinneqartussaassanginnersoq apeqqutigissavarput. Ullumikkut Peqqussut nr. 3, 7.maj 2007-meersoq malillugu , utoqqalinersiallit kommuninit inuttut tapitut , ilisiartornissamut aningaasartuuteqarneq ilaatinneqanngilaq. Siunnersuuteqartup pivai, pensionisillit nammineq akissaqartut aamma ilanngullutik akiliunneqartariaqartut.

Inuiaqatigiit kalaallit politikikkut aqqissuussaanagerat siunertaqarpoq, inuit imminut pilersorsinnaasut, isumagisinnaasullu imminnut isumaginissaat, taamaalilluta inuit ikiortariaqartut ikiorsernissaannut akissaqarnerussagatta. Aningaasatigummi nunarput ajornartorsiortorujussuuvog, tamanna takuneqarsinnaavoq ikiortarialinnut ikiorsiisarnerput , naammaannaavissumik aningaasaliiffigisaratsigit.

Inuit Ataqatigiit Pisortanut ikiorsiissut allaavigalugu, utoqqalinersiallit aamma qanigisat toqusmatillugit ilisiartorsinnaanermut ikiorserneqarsinnaanissaat isumaqatigaarput. Siunnersuummut ersarissagassat, paasiniagassallu arlaqarmata Ilaqtuariinnermut ataatsimiititaliamut innersuupparput, allannguutissatut siunnersuuteqarsinnaaneq periarfissaqartikkusullugu.